

雲
間
第
宅
志

王
澐
纂

中
華
書
局

叢書集成初編

吳 船 錄（及其他三種）

中 華 書 局 出 版 發 行

（北京王府井大街三十六號）

秦 皇 島 市 資 料 印 刷 廠 印 刷

一 九 八 五 年 北 京 新 一 版

開本：七八七乘一〇九二毫米三十二分之一

統一書號：一七〇一八·一五一

此據藝海珠塵本
排印初編各叢書
僅有此本

雲間第宅志

王 遷 遷里貫見集部輞川詩鈔

聞之長老言。嘉隆以前。城中民居寥寥。自倭變後。士大夫始多城居者。予家世居城南三百餘載。少時見東南隅皆水田。崇禎之末。廬舍櫛比。殆無隙壤矣。乙酉兵火之餘。惟東西大道。官署民居僅有存者。其他皆爲瓦礫。老者過而隕涕。少年皆迷失道。已三十餘年。予耄年瞽眩。艱于杖履。每一念至。輒爲愴然。失今不志。將爲桑海。然衰病既久。苦多遺忘。所能記憶者十之三四耳。今自我生之後。迄于乙酉。聊述所見。口授子孫。藏諸敝篋。以示來者。豈敢比明遠蕪城之賦。東京夢華之錄哉。

府治約當城之中。稍偏西。治左爲東城。右爲西城。治前一河。自東至西貫城之中。東自亭橋入北邊。治後至大吳橋。一支折而出北門。西經北倉前過黑橋。南出豐樂橋。會于前河。治前河南爲南城。治後河北爲北城。以東西河爲界。先內後外。此志之大例也。

治東單工部國祚宅。陳少參嗣元。孝廉汝睿宅。後有朴菴。黃太守廷鳳宅。今爲顧孝廉伯騏宅。東察院左倪孝廉甫英宅。今歸謝侍御秉相。傳爲二沈學士舊第。姚家巷張太常明正宅。察院後顧光祿正心宅。有洪厓閣。杜方伯喬林。職方麟徵宅。有安譽堂。董文敏書。今爲姚蔭君世曙宅。亦顧氏業也。張太學之象。孝廉雲門。齊顏蓋臣。五世宅。有傳硯齋。亭橋北邱家灣爲北城界。橋東何學

憲萬化宅。理刑廳東吳戶部嘉允孝廉欽章宅。有疇趾堂。進士永孚宅。李孝廉繼厚宅。莫方伯儼星宅。彭孝廉賓宅。李大參伯春宅。王京兆庭梅宅。東明橋張太守翼軫宅。孝廉壽孫宅。俊士坊下醫家何氏宅。宋元時舊居。

治西廣明橋唐工部昌世宅。橋北河已堙塞。有小橋曰東陽。後有東陽道院。予家譜載一世祖玄覺道人。居東陽橋西畔。今不可考。趙店土地廟。西郁太守山宅。華亭縣治西金孝廉時揚宅。姜中翰雲龍宅。普照寺西林太僕景暘太守有麟宅。有玉恩堂。莫如忠書。後有翼文閣。趙宦光書。鶴城書院。今改求忠書院。祀方正學孝儒也。後有陸昭侯遜祠林氏建。陳工部所聞給諫子龍宅。有平露堂。座師黃詹事道周書。佛字橋河南徐文貞公階舊第。有平格堂。豐樂橋北思鱸巷。章工部憲文宅。子孫聚宅。張貢士天湜宅。河西徐文貞公階舊第。有平格堂。豐樂橋北思鱸巷。章工部憲文宅。子孫聚居。孝廉簡進士曠。其諸孫也。北至黑橋爲北城界。

南門內有河。自南互北。有石橋三。曰新橋。曰迎仙。曰城隍廟。界至莊老橋。入于河。東行支河一。自長春道院而東者。已淺塞。一自陸家橋東過烏龍潭。董文敏宅。折而北。會于長生橋。河一。自望仙橋東過千戶所。分流而北。過淨土。米市。二橋。入于河。又東行。過長生橋。折而北。過織造局。坦水橋。循東城隅。以入于河。南門內河西行。自徐文貞祠府學西。文貞第太平橋。折而北。經縣學西。過沙家。合掌。二橋。文貞舊宅。循西城隅。以入于河。今以南門內南北河爲界。分列東西。

府治河南一大街。直至羅神廟。東察院莊老橋一大街。直至南門。理刑廳橋一大街。直至錢家府巷。
東明橋南一大街。直至坦水橋。縣治河南一大街。直至縣學東。普照寺河南一大街。直至縣學西。
南門內迎仙橋一大街。自東而西。過羅神廟。縣學西。出普照寺南大街。
南門河東大街。從祖司李坊宅。南有龔家巷宅。舊在巷內。今改西向。臨大街。先祖學博公宅。陸家橋北。先曾祖贈公舊宅。門有額曰五鳳齊鳴。今爲張宮諭以誠子安茂宅。里人至今稱千家爲望仙橋王氏云。橋北從祖憲副城舊宅。錢相公龍錫宅。北出莊老橋東察院大街。河東小街長春道院東。徐文貞孫文學繼芳以崇宅。本龔給諫舊居。北向南烏龍潭。有額曰龍門里。久廢。西有龔家巷。出南門大街。徐改宅南向面城。馮孝廉大受竹素園。今分爲三。南爲許給諫譽卿園。有愛日堂。西爲楊少宗伯汝成園。東爲杜太學元培園。龍門寺居其中。北向。東杜太學元培宅。陸家橋東竹籬茅舍。陸賈士篋宅。張宮諭以誠子安苞宅。有酌春堂。龔文敏其昌書。本范方伯惟一子允中宅。後有雙鶴園。相傳爲張侍御祚故園。盛太學慶遠宅。本陸孝廉萬言宅。南面烏龍潭。與龍門里相對。今潭壅塞。龔文敏孫庭築爲園。積慶寺東。從祖孝廉臺桂宅。龔文敏公其昌宅。長子蔭君祖和宅在後。北向。楊宮諭繼禮少宗伯汝成宅。又東爲綢帶葉副憲有聲宅。王工部庭柏宅。杜大司空士全宅。弟孝廉士基宅。子蔭君元方太學元凱宅。孫太僕士美宅。高孝廉汝量宅。西長生橋運司前。聶吏部慎行宅。王副憲會宅有百客堂。高太史承祚子太學彙桑宅。秉葉宅。龔文敏少子蔭

君祖京宅。東長生橋北爲假山頭。宋侍御賢中翰天顯宅。望仙橋東陸進士亮輔宅。沈司馬猶龍宅。卽亮輔祖侍御萬鐘舊居。東卽千戶所。所後街從曾祖饒平令輝舊居。今爲從祖意副城宅。淨土。米市。二橋間。宋孝廉懋澄二宅。子敬與徵與分居。前爲友恭堂。後爲佩月堂。東爲錢家府巷。高承順孝行坊下。陳少參夢庚宅。今爲從祖太僕陞宅。有環恩堂。朱憲副正色宅。今歸太僕。有合美堂。李孝廉者卿宅。今歸宋氏。有海閭堂。李中翰待問書本東向。今改南向。小巷曰仁讓里。楊太守汝翼宅。北出理刑廳橋大街。自太僕宅東。陳徵君繼儒宅。門有額曰山中宰相。袁太常煥宅。高孝廉汝誠宅。李大參叔春宅。慧燈菴橋吳氏醫室。有松風草堂。董文敏其昌書。陳徵君繼儒題其閭曰大隱在朝市。仙人好樓居。北曰馬頭。李刑部繼元宅。織造局東西。李氏聚族而居。李孝廉之楠宅。坦水橋南。李中翰待問宅。有玉裕堂。董文敏其昌書。北出東明橋大街。

南門內新橋河西。徐文貞公階祠。後徐孝廉孚遠宅。文貞弟司寇陟曾孫。祠西翁文學起鵬起鸞宅。府學西街徐文貞孫貢士繼振宅。仙鶴館西。徐文貞公階賜第。有章賜世經二堂。門有額曰三賜存問。弟少司寇陟宅。陟孫太學爾鉉。孝廉洵承宅。河南陟曾孫文學致遠宅。有師儉堂。申文定時行書。西有生生菴別墅。陟子太守琳放生處。西河莊吳廷尉爾成宅。有春暉堂。董文敏其昌書。宅西有園。莊少參元貞宅。何職方剛宅。迎仙橋河西。李侍御凌雲舊宅。北向後有牛市。湮久塞。南與弟凌霍始通。迎仙橋沿河之路。復購楊中丞豫孫鍾給諫宇淳舊居更新之。東有元楊維禎草玄閣。

董孝廉尊聞宅。本張侍御祚舊居。有石坊。祚孫進士若義重修。李中翰待問書曰。威豸德麟。陸中丞樹德宅。曾孫孝廉慶紹居。馮太學鼎爵宅。單進士恂宅。朱吏部永祐宅。西至羅神廟。城隍廟橋河西。董文敏其昌祠。棠谿書院故址也。城隍廟西。王進士宗熙宅。顧光祿正心宅。額曰。特命嘉賢。西有高義祠。與聖寺前李總憲沾宅。張孝廉軌端宅。羅神廟北街錢少司寇士貴宅。過會仙橋北。出府治大街。羅神廟西。馮廷尉舊居。錢相公龍錫宅。西父子忠孝祠。爲馮侍御恩。楊給諫允繩建。至縣學。自會仙橋西集仙街許通政樂善舊居。今爲其族給諫譽卿宅。張職方履端宅。有素宜堂。門人黃詹事道周書。林太僕景陽別宅。李太僕逢申宅。董中丞象恒宅。徐文貞孫文學景曾宅。有中美堂。董文敏其昌書。董中丞象恒子文學景傳宅。有築野堂。李中翰待問書。西街莫孝廉天淳宅。石幢張給諫承憲。太學翀之宅。有端諒堂。北出縣治大街。清和橋姚太學維柏。文學綸宅。余外舅家也。姚工部元膺宅。莫孝廉是豹宅。董太學培申祐申宅。東北府獄司前金古泉藥室。元時故居。縣學後南察院。陸昭侯遜舊第。吳進士培昌宅。董貢士巽申宅。有重瑞堂。董文敏其昌書。南察院後周夏二公祠。曹氏藥室。董大學羽翔宅。縣學西。章孝廉元復宅。沙家橋陸文定樹聲少司寇彥章宅。有麟慶堂。門有額曰。天恩存問。蔭君景元宅。曾孫貢士慶裕宅。進士慶衍宅。孝廉慶臻宅。張進士鸞之宅。俞臬使汝爲。孝廉廷壽宅。北出普照寺大街。東亭橋邱家灣以下。郁孝廉繼垣宅。夏太常嘉遇宅。東北日新書院。錢相國龍錫父孝廉大復講學。

處。張宗伯鼎宅。鄭太守棟孝廉重光宅。唐兵部昌齡宅。東馬橋一帶皆范方伯惟一舊居。今各姓分居焉。范家巷內有嘯園。方伯孫孝廉必世居之。今廢。城東北隅多故家別墅。有林木之勝。何司李三畏園稱最。有觀濠堂。門人陳徵君繼儒記。城西北隅馬蟠寺。董蔭君祖源宅。有龍孫館。文敏書。東馬橋西章工部元衡宅。朱僉事本治宅。朱庶常積宅。其祖司丞大韶舊居。有經術堂。汪道昆書。直府治之後。東有繡衣坊。宅後相傳爲蘇御史思舊居。司丞築爲文園。屢易主矣。今太常國盛居之。大加營治。庶常爲汝陽之請不得。爭詆不已。蔡孝廉懋廉宅。徐憲副頑稷宅。西馬橋徐文貞孫太守肇台宅。西出大吳橋。南出縣治大街。北出北門大街。唐氏醫室。雷司李德音宅。陳孝廉正容宅。唐中丞珣二石坊。安于道院東。唐中丞孫文恪公文獻宅。有占星堂。後有霞城閣。少子孝廉允諧居之。北出柳家巷。董少宰羽宸宅。有叩浦堂。文敏其昌書。錢進士世貴宅。柳家巷張方伯所望宅。李侍御時榮宅。侍御自縊死宅已廢。東倪氏居。今董貢士卞申宅。東卽朱氏文園矣。見前。以上北門河東。北門河西包進士爾庚宅。姚大參體信宅。今爲孝廉揚美玄之黼三世宅。張貢士密宅。有正與堂。黃詹事道周書。王孝廉元琮宅。馮侍御明玠宅。河南周貞靖先生思兼別墅。其孫文學裕淳居。本一禪院。西宋中翰徵璧宅。李侍御凌雲宅。前街北倉林太守有驕宅。後有素園。許孝廉士奇宅。王侍御元瑞宅。馮侍詔鼎位宅。錢刑部大忠宅。前有黑橋。水出壘樂橋。入于前河。

南門外官紹塘張涇二河皆入黃浦。大街姚孝廉鐘宅。先府君貢士宅。有與書堂。李中翰待問書。奚進士士龍宅。金孝廉以魯宅。普濟橋彭孝廉賓宅。周太學立勳宅。有符勝堂。崇禎間。周爲吾郡名士之冠。不遇而沒。士論惜之。登山主橋。董孝廉中立。進士中行宅。薛孝廉靖宅。阮家巷陸宗丞樹德梅南草廬。有讀書樓。崇禎間。郡中諸名士。嘗觴咏高會其中。人稱曰南園。清水石橋。任大參勉之宅。門內有石刻云。登科致仕。恩榮始終。楊文貞士奇書。呂解元克孝宅。學士里。顧文僖公清舊居。今張司李一鵠宅。有來鶴樓。鴻范堂。文僖後宅。爲林太僕景暘別墅。有玉蘭宇。陳道復書。西陸邨有朱郡丞瀨園。吳進士培昌宅。東城河張莊簡公悅宅。有坊曰完名全節。張職方履端宅。有永錫堂。張莊懿公鑒宅。有卻金堂。少宗伯鼎宅。莊簡莊懿同時名臣。有城河一灣。兩尙書之名。東至龜蛇廟。莊懿祖墓在其後。鼎卽莊懿兄鑒之裔也。

東門外南北俞塘。皆入黃浦。南俞塘。宋孝廉之蘭宅。李太學延亮宅。有棲雲館。李中翰待問書。先君授經處。徐孝廉行宅。夏孝廉廷球宅。朱刑部幹宅。彭侍御彥昭宅。楊刑部忠裕園。顧光祿熙園。有太湖巨石。宅有坊曰高義。咸通橋金孝廉時振宅。果子巷張中丞肯堂宅。宋待詔存標宅。有四志堂。李中翰待問書。北俞塘孫文簡承恩太守克弘宅。有勤有敦復二堂。東臯雪堂。聽雨軒。畫壁諸勝。河南有文簡父太守衍別墅。今爲高氏園。陳太守懿德宅。今歸錢宅。吳長史稷宅。有石湖精舍。胡宗憲書。嘉靖間。倭寇至不入其廬。世傳有千金難買俞塘北之謠。沈進士士英宅。顧

中翰正誼濯錦園有同野瞻林二堂。

西門外河西入泖。河北大街張思雲藥室。元時故址。莫家巷杜方伯喬林。職方麟徵宅。貢士騏徵宅。太學駿徵宅。澤潤橋西北陸文定公樹聲祠。有百歲名臣坊。白龍潭西至雲間驛。謝侍御秉謙宅。夏吏部允彝宅。完節坊。爲沈進士泓母建。九峰書院。祀宋李忠定諸賢。今廢。東塔巷徐少司寇陟孫。太學鳳彩宅。有鷺公居。西塔巷徐少司寇陟孫。太學爾鉉園。前涇橋東北翁給諫元益宅。西北舊有高禮部士別業。今皆爲民居。惟瑤臺尙存。花園浜夏吏部允彝舊居。兄之旭宅。白龍潭張太守昂之宅。有室曰冷石度書處。董文敏書一聯云。善且不爲而況惡。身將隱矣焉用文。採花涇張進士若義宅。黃京兆庭鵠宅。石匠鋪徐文學方廣宅。萬歷間名士文行清高士林敬之。河南竹竿匯王侍御元瑞宅。吳孝廉道醇宅。蔣孝廉爾揚宅。許孝廉啓源宅。湖橋徐孝廉世禎宅。諸行聚奎里錢狀元福宅。谷水道院沈太守匡濟宅。長橋西笏溪陳孝廉玄燾宅。陸高士應陽宅。堂有額曰主盟風雅。谷陽橋張太守汝弼宅。有壽康堂。左右皆其子孫聚居焉。陶行橋袁長史福徵宅。有海雲樓。

北門外河北入吳淞江。陸文定公樹聲賜墓。左有廬目墓田丙舍。堂中以朱文公耕雲釣月四字爲額。公孫蔭君景元常居焉。餘皆民居。